

مُشَاطِقَةُ

۱۳۲۶

در سعادته یکی پوسته خانه قارشونده
داشته مخصوصه در

انظار:
مسکونه موافق آثار جدید مع المنوبه قبول اولنور
درج ایدین آثار اعاده اولنور

دین، فلسفه، ادبیات، حقوق و علوم دین باحث هفته لق رساله در

در سعادته نسخه سی ۵۰ باره در

تیریلده دن مقوا پورو ایله کوندیرلیرسه سنوی
۲۰ غروش فضله آلنیر.

در سعادته پوسته ایله کوندیرلیرسه ولایات بدلی اخذ اولنور.

تاریخ تأسیسی:

۱۱ تموز ۳۲۴

مؤسسلری: ابوالعلا زین العابدین - ح. اشرف ادیب

سنه لکی الف ایاقی

۳۵ ۶۵

۵۰ ۹۰

۵۰ ۹۰ غروشدر.

در سعادته

ولایاتده

ممالک اجنبیهده

برنجی سنه

۲۹ کانون اول ۳۲۴

عدد: ۲۰

اصول مشروطیت علیه بنده خصمای ملتک اعتراضانه قارشی مدافعه محقه

(۲) مثال: سوره مائده کی «لیس علی الذین آمنوا و عملوا الصالحات جناح فیما طعموا اذا ما اتقوا... الخ» آیت جلیله سنک ظاهرینه قصر نظر ایدیلر جک اولسه خیرک حلتنه، مسکرات استعمالنک جوازینه قائل اولماضر لازم کلیر. فقط روایات صحیحه ایله ثابت و معلومدرکه بو آیتک اوست طرفی «انما الخمر والمیسر والانصاب والازلام رجس من عمل الشیطان.....» قول کریمی [۱] نازل اولوب حرمت خیر قطعیاً اعلان اولوندقده اصحاب کرامک برچوغی مراق ایدهرک «یارسول الله! بوندن اقدم وفات ایدن، حتی غزوه احد اثناسنده شهید اولان بعض اخوانم زده خیر ایچرلردی» دیدیلر. بودرجه مغایر مصالح دین و دنیا بولونان بوخیبئی استعمال ایتمش بولاند. قلمری حالده آخرته کیتدیلر، بونلرکده عذاب اخروی به کرفتار اولملری لازم کله جکمی؟ دیمک ایسته دیلر.

[۱] مال منینی: شرب خیر ایله عمل میسر، هر نوع قار اوپونی، کذلک اصنام و هیاکله طابقی و «ازلام»، وسائط غیر مشروعیه ایله امور غیبیه کشفنه یلتمک غایت خیت و مریدار شیلردر. بونلرک هریری شیطان لعینک اغرا ایلدیکی اعمال باطله دندر. نائل فوز و فلاح اوله بیلمه کن ایچون بوه قوله افعال رذیله دن اجتناب ایدیکز.

بونظم جلیلی ولی و تعقیب ایدن «انما یرید الشیطان ان یوقع بینکم العداوة والبغضاء فی الخمر والمیسر ویضدکم عن ذکر الله.....» آیت کریمه سی ده خیر ایله میسرک تولید و انتاج ایتکده اولدقلمری محاذیر عظیمه و مناسد دینه و دنیوییه بی تعداد ایله وجوب اجتنابی نأیید و نأ کید ایدیلور.

سلامت عمومییه تهید ایدن شو بلاای مدشه نک تأثیرات الیه سنی کوستریور. اوروبا ارباب اذغانی ایسه نه قدر دورلر کچیردکدن ونه مرتبه فلاکتلر مشاهده ایتدکدن صوکر ا بوو خامتلی آکلامنه و تدابیر زجریه آرامنه باشلادیلر. فاعتبروا....

ایشته بوسؤال اوزرینه آیت جلیله نازل اولوب دفع اشتباه ایتدی.
معنای شریفی:

«وظیفه اتقایه رعایت، شرعاً حرمتی ثابت مناهیدن مجانبت ایتدکلمری تقدیرده بیوب ایچدکلمری شیلردن طولایی صلحای مؤمنینه «جناح»، وزر و وبال ترتب ایتمز. (اولجه وفات ایدن مؤمنلر حقنده ایسه حرمت خیر اعلان بیورلمش دکلدی. بناء علیه اونی استعماللرندن ناشی مؤاخذه اولونمیه جقلردر)
صده رجوع ایدلم:

روح المعانی تفسیرنده تصریح اولندیغی اوزره قرابت کبی، قدیم و یا حادث صداقت کبی بر بعات طبعیدن ناشی مسلمک غیر مسلمیه محبت ایتسی موالات غیر مشروعیه ده داخل قلمناز. بودرلو محبت حد اختیاردن خارج، نظراعتباردن ساقط اولوب معفودر. «انک لاتهدی من احببت» نظم شریفی شهادتیه حضرت رسول اکرم ده زمان طفولیتلرندنبیری حامیلری بولنان عوجهلری ابوطابی غایت سهورلر، کندیسنه هر زمان احترام ایدرلردی.

[موما الیه مع التأسف قبول اسلامیت ایله نائل سعادت اوله مدی. حق و حقیقتی آکلامش و دین مبینک علویتنه دائر بی نظیر قصیده لر انشاد ایتمش ایدی. لکن زیاده سودیکی پدیری عبدالمطلب ایله اجدادی تجهیل و تضلیلدن عار ایتدی، درایت و حصافته یاقشیمان بویله بارد بر توهمه قایلیدی ده پتپرستک دین باطلی اوزره قالدی، کیتدی. مع هذا حضرت رسولی زیاده سهور، سفهای قریشه قارشی مدافعه حقوق مسلمین باینده بوپوک فداکارلق ابراز ایدردی]

«هاتم اولاء تجبونهم ولا یحبونکم و تؤمنون بالکتاب کله» نظم عالیننده اصحاب کرامدن برجاعتیه نسبت بیوریلان محبت ده برتفسیره

کوره^۱ بوقیلندیر. معنای شریفی: سز اولری (اهل کتابدن معدود برطاقم اشخاصی) حقوق قدیمیه رعایه سومکده سکز. اولر ایسه سزی سومزلر. سز هر کتاب منزله ایمان ایدیورسکز (حالبوکه اولر سزک کتابکزه ایمان ایتزلر).

بعض ارباب تفسیرده آیت مذکوریه شویله معنا ویرمشدیر: «ای مؤمنلر سز احبابکز کی مشرک لکده ضرر دیدنه، آفتزده اولمیرنی تمی ایتز سکز، بوتون عبادالله حقننده خیر خواهلق ایدر سکز. (چونکه اسلامیت بونی مقتضیدر) اولر ایسه بو آرزوده بولمازلر، بلکه داغا سزی رنجیده ایتک ایتزلر. انصاف واعتدال دن انحراف ایدرلر.» هراحتاله کوره «وتؤمنون بالکتاب کله» نظم شریفی مسلمانلر ایله ادیان سائره اصحابی آرمسندده محبت وعدم محبت جهتیه اولان اختلاف وتباینک منشائی کوسترمکده در. یعنی سزک کندی اوزرکزه، کرک اقوام سائریه نازل اولان هر کتاب سماوییه (ولو اصلی اعتباریه اولسون) ایمان واحترام ایتکده سکز. هیچ بر کتاب مقدسه، تبلیغه مأمور هیچ بر پیغمبره قارشی کفر وتکذیبده بولنیورسکز. آنکی چون کتب سماویه وانبیای سالفه نیک برینه انتساب ادعاسندده بولونانلردن بر جاعته — طوغرودن طوغروییه — بغض وعداوت بسله میورسکز بلکه بوا ایمان تام وصحیحکز ایجابجه اهل کتابدن اولانلره ابراز مودت ایدیورسکز. بو، سزک خواص میزه کزدن معدود مفخرته، شعار انسانیتیه لائق بروصف شریفکزدیر.

ایشته قرآن کریم بو آیت جلیله ده ایمان تام صاحبی اولان صنوف مسلمینی مقتضای اسلامیت اولان اک کزیده بروصف ایله توصیف، دلیل وبرهان مقتضای بیان واضح ایله تعریف ایدیورک اولر «ومن اعتدی علیکم فاعتدوا علیه بمثل ما اعتدی علیکم» کی نصوص جلیله ایله مقابله بالمثل، عداوت ایدنلردن اخذ انتقامه مأذون بولندقلری حالده کندیلرینی سهومینلره دخی علی الاکثر دوستانه معامله ایدرلر، سماحتکارانه داورانیرلر.

بویان قدسی الهی او یله باهر بر حقیقتدرکه اصلاقابل انکار دکدر. مسلمانلر اک پارلاق دوز استیلارنده بیکارجه وقائع اثناسندده بوئای سبحانی به شایان اولدقلرینی بوتون جهان خلقنه تسلیم ایتدیرمش، صحائف تواریکه بی نهایت مآثر انسانیتکارانه و مفاخر خدا پسندانه یازدیرمشلردر. بناء علی ذلک بوبابده اطناب مقاله حاجت کورمیز. دین مبین اسلام عفو وتسامحی آمر، مودت ومرحمت اساسلری اوزرینه ثابت و مستقر او یله بر دین عالیدرکه اونک فوقنده کائن بر مرتبه تصویرینه عقل ایچون امکان یوقدر.

سراثر حقائقنه، تفصیل احکام عادلانه سننه آز، چوق کسب اطلاع ایدن انسان، کندیسنی اذعان وانصافدن تماماً تجرید ایتدیکه، علمینده سویلیه جک حرف واحد بوله ماز.

بعض فقها موالات غیر مشروعده غیر مسلملرک جهاده (غزوات دینیه ده) تشریک ایدلمیرنی ده ادخال ایتمشلردر. [اما سائر محاربانه اشتراک واتفاقلری بلاشبهه جائزدر. چونکه مصالح دنیویه یه عائد اهورک کافه سی استشاریه تابعدر.]

فقط جمهور فقها بوشموله قائل اولماشلردر. مذهب جلیل حنفیده ده غیر مسلملری غزایه تشریک جائزدر. یالکز باغیلر ایله محارب اولدیمیز زمان امر مشروع عد اولونماز.

علی الاطلاق تجویز ایتمین بعض فقها حضرت عائشه صدیقهدن مروی قصه آتیه ایله استدلال ایدرلر:

«بدر غزاسنه تشریفلری اثناسندده شجیع و بهادر بر مشرک حضرت رسول اکرمه مراجعتله دعیت سنیه لرندده بولونان غزات مسایینه التحاق ایتک ایسته دی. اصحاب کرام بوکا نمون اولدیلر. فقط ذات رسالتاب افندمز: «خیر! بن رجل مشرک معاوتنی قبول ایتیم» دیسه رک مرقومی اعاده پیوردی.»

اکثر فقها بو حدیثک منسوخ اولسنده ذاهب اولمشلردر. زیرا مؤخرأ بر غزاده بنی قینقاع یهودیلرله، هوازن وقعاسندده صفوان بن امیه وتوابی ایله استعانه پیورمشلردر.

بعض ارباب علمده اگر کندیلرینه اعتقاد اولونور واشتراک پرینه لزوم کورولورسه تشریک ایدیلرلر، اعتقاد ویا احتیاج بولنمادیخی تقدیرده صرف نظر اولنور دینه رک روایات متعارضه یعنی جمع وتوفیق ایتمشلردر. [بوشرائطک هر محاربده ده، حتی هر خصوصده آرانه جفی آشکاردر]

دیورلرکه حضرت عائشه دن مروی قصه سابقه ده کی عدم قبول یا امن واعقادک یا خود لزوم واحتیاجک فقدانندن نشأت ایتمش اوله بیلیر. کذلک «لا یتخذ المؤمنون...» آیت کریمه سنک باعث نزولی اولمق اوزره عبدالله بن عباس (رض) دن مروی قصه نیک منشأیه ده فقدان مذکور اولسه کرکدر. روایت مذکوره شویله در: «وقعه احزاب اثناسندده نقبای اصحابدن عباد بن صامت «رض» جناب رسالتاب افندمز: یا نبی الله! بنم معاهدم تحتندده بشیوز قدر یهودی رجالی وارددر. مساعده پیورورسه کز آنلری ده جلب ایدلم، دیدی وبونک اوزرینه آیت جلیله نازل اوله رق رسول اکرم افندمز مرقوملرک اشتراک کنه مساعده پیورمدی» منهی عنها اولان موالاتده غیر مسلملرک امور دوت و مصالح امتده استخدام، تحیه و قیام صورتیه استقبال واکرام اولمیرنی درج ایتک ادعاسندده بولونانلرده وارددر. فقط احمد بن حجر رحمه الله فتاوی شریفه لرندده تنصیص ایلدیکی اوزره «لاینها کم الله عن الدین لم یقاتلکم فی الدین ولم یخرجوکم من دیارکم ان تبروهم وتقسطوا الیه» نظم جلیلی دلالتیه دین محاربده سننه قیام ایتمین ودار اسلامه تجاوزاتده بولنایان اهل کتابه قارشی مسلملر طرفندن بر واحسان معاملاتنده داخل، هر درلو آثار مودت ابرازی جائز و مشروعدر.

[سوره حشرک اوائلنده کی «تلقون الیهم بالمودة» نظم کریمندن مستفاد اولان تحریم مودت سیاق وسباق آیات دلالت واضحه سیله اصحاب کزینه محضاً ایمانلرندن طولای ابراز عداوت ایله مهاجرته مجبور ایدن مکه مشرک پرینه دائردر [۱] بونلرک مسلک کنه سالک اولان

[۱] چونکه تعمیم اولونسه آیات فرآتیه پسنده تعارض ثبوتی لازم کایر. اهل کتاب ایچنده بیکارجه آلتون قیمتندده اموال امنیت اوله حق ذوات موجود اولدیمه قرآن کریم شهادت ایتکده در.

اولونان احتراملره ، آلقشله مساعده بیورلدی . چونکه اولنر اولجه مملکتلرینه مهاجرت ایتش اولان اصحاب کرامه پک چوق مهمانتوازلق ایتش ، حایتکارلرده بولمشلردی . حتی بوندن طولانی حققرنده استعیذبالله « ولتجدن اقربهم مودة للذين آمنوا الذين قالوا انا نصارى ذلك . . . » آیت جلیله سی شرفنزول ایتشدرد [۷]

مابعدی وار مناسرتلی اسماعیل مفی

نجائب قرآنیہ

سورة اعراف : آیت - ۳۲ ، ۳۱ ، ۳۰

« یا بنی آدم خذوا زینتکم عند کل مسجد وکلوا واشربوا ولا تسرفوا انه لایحب المسرفین . قل من حرم زینة الله التي اخرج لهاباده والطیبات من الرزق قل هی للذین آمنوا فی الحیوة الدنیا خالصة یوم القيمة كذلك تفصل الایات لقوم یعلمون . قل انما حرم ربی الفواحش ماظهر منها وما بطن والاثم والبغی بغير الحق وان تشرکوا بالله ما لم یزل به سلطاناً وان تقولوا علی الله ما لا تعلمون »

برنجی آیتک معنای منبئی : ای بنی آدم هر مسجد نزدنده زینتکزی اخذ ایدک [طواف ایتدیکنکزی ویاغماز قیلدیغکنز زمان عورتلریکنزی ستر ایچون لباسکزی کییک] و [سزه طیب اولان شیلردن] بییک وایچک لکن اسراف ایتیک [حلالی تحریم ویاحرامه تعدی ویاخود اکل وشریده افراط ایدرک حد اعتدالی تجاوز ایلهمیک] . الله اسراف ایدنلری سومن [جناب حق مسرفلرک فعلندن خشنود وراضی اولماز] زینت : زیب آور اولان ثیاب فاخره نک اسمی در . فقط مفسرین کرام حضراتی آیت کریمه نک سبب نزولندن استدلال ایدرک بوراده زینت ایلله سترعورت ایدن لباس مراد اولدیغنده اجماع ایتدیلر ، چونکه قبائل عربدن اهل جاهلیت کنهاهرمنله تلویث ایلدیکنز البسه ایلله طواف ایتدیژ دیوب بیت معظمی ارککار کوندوز قادینلر کیجه لین عریان اولهرق طواف ایدرلرایدی ، بناء علیه شو چرکین حالدن نهی ایچون بونظم جلیل شرف نزول ایتدی .

برکیمسه نک نماز ایچون اک کوزل هیئتنی اخذ ایتسی سنت سنیه دندر . نمازده سترعورتک وجوبنه بوآیت کریمه ده دلالت بولندیغنی علماء بیان بیوردقلری کبی شیخ الاسلام خواهر زاده دخی نمازده احسن ثیابی تلبس مستحب اولدیغنه بونظم جلیله دلالت وار دیمشدر .

بنوعامر قبیلله سی موسم جه حرمت و تعظیم ایچون انجق قوت لایمت اکل ایدوب یاغلی یمک یزلر ایدی . زمسه موحدین بونی یاغنه بز ده لاق و جدیرز دیملریله « وکلوا واشربوا ولا تسرفوا » بیورلدی .

(۷) بوآیت کریمه نک تفسیریه برابر حبش اهالیسنک مهاجرین اسلامیه به قارشى اولان معاملات احترامیه لری و بوسیله ایلله نجاشی حضرتلرینک ودهایک چوق ذواتک نائل هدایت قلنملری نسخ سابقه منک « مواظ » قسمنده تفصیل اولمشدرد .

اعدای دینده بو حکمده داخل اولورلر . فقط سائر شمولى یوقدر . [دین مبین اسلام هر صنفه قانون عدالت و مساوات داخلنده معامله اولمغنی امر ایتکده در . بناء علی ذلك معاملات خصمانه ده بولمیان کسانى - هانکی دین و مذهبه منتسب اولورلر سه اولسونلر - بغير حق رنجیده خاطر ایتک ، مسلمانلری لوازم انسانیت و آداب معاشرتدن بی بهره کوسترمک بو دین عالییه رعایت دکل ، بلکه اهانت اولهجنی بی اشتباهدر .

خصوصا مصالح مدنیه و سیاسیات عمومیه مقتضیاتنه تطبیق حرکت هرکسه وجیبه ذمدر .

پیغمبرذی شانزده ملل سائر دن قدوم ایدن ایلیچی و مبعوثلری اعزاز و اکرام ایلله قارشیلار . بعض زواره دهها زیاده احترامله صدر مجلسه . حتی ردای شریفنی بسط ایلله اوزرینه اوتورمق تکلیفنده بولورلردی . [جود و سخاسیله ضرب مثل اولونان حاتم طایذک ارغلی جناب عدی (رضی) دین اسلامه کیفیت دخولنی حکایه ایتدیکی صرهده شویله دیمشدر : « بعثت محمدیه دن خوشالانمیانلرک برنجیلرندن اولدیغم ایچون قبیلله می ترک ایدرهک اهل دینم اولان نصاری شامه التحاق ایتشیدیم . برمدت اوراده مکث و آرامدن صوکره بعض استخبارات اوزرینه حقیقت حالی آکلایوب ده آکا کوره حرکت ایتک فکریله مدینه منورهیه کلدیم . بنی کورن اهالی عدی بن حاتم کلش دیسه اکرام و احترام ایلله تلقی ایدرهک حضور رسالتپناهیه اداخل ایتدیلر . اول حضرت بنی کورنجه اسمله ندا بیورهرق دین مبینی تکلیف ایلدی . بن سکوت ایتدم . بعده بنی آلوب خانه سنه کوتوردی . یوله کیدرکن اختیار و فقیر بریهودیه تصادف ایتدک . قادینک کندی احوالنه دائر اوزون برافاده سنی آیق اوزره دکلایوب سویله جکنی سویله دی . دیدم که بوذات ملک و سلطان دکل ایمش . خانه سعادت کیدرک . ایچی خورما لبی ، اوستی مشین برمندرجکی کوسترمک بونک اوزرینه اوتور دیدی . باشقه اوتوره جق برشی کوره بدیکم جهته حیا ایتدم . سز اوتور و کز دیدم . خایر ! سن اوتور دیسه رک بنی اومندره اوتور دوب کندیلری ده حصیر اوزرینه اوتوردیلر ، بومعامله یی ده کورنجه آرتق بن ملک اولمادیغنی جز ما بیلدم .

بیوردیلر که . . . » [۵] حضرت بنی ذیشان افندمزامت و احسانه خطاباده « اذا اتاکم کریم قوم فاكرموه » [۶] « اذا اتاکم الزائر فاكرموه » ، اک صوک و صایای جلیله لری صره سنده بیله « واجیزوا الوفد بمثل ما کنت افعل » بیورمشلردر . « خارجدن کله جک سفیرلره بنم یاپدیغم کبی معاملات احترامیه ایفا ایدیکز .

زمان سعادتلرنده بولونان حکمدارلره ارسال بیوریلان نامه مبارکلرنده « عظیم الروم » کبی تعبیرات احترامیه استعمال بیورورلردی . حبش اهالیسنندن برای زیارت مدینه یه کلن رهبان و سائر یه ابراز

(۵) حکایه نک تمای « رساله حمیده » ترجمه سنه درج اولمشدرد .

(۶) بوحدیث شریفک اطلاق ظاهر یی اوزرینه محمول اولدیغنی « شرعة الاسلام » ک آداب الصلوة و المعاشرة فصلنده مصرخدر .